



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Joannis Pierii Valeriani Bellunensis Hieroglyphica, Sive De  
Sacris Ægyptiorum Aliarumque Gentium Literis,  
Commentariorum Libri LVIII**

**Valeriano, Pierio**

**[Lipsiae] ; Francofurti Ad Moenum, 1678**

Providentia.

**urn:nbn:de:hbz:466:1-14259**

## CONTINENTISSIMA VIDUITAS. CAP. XVI.

**A** Plerique igitur continentissimam viduitatem exprimere cum volunt, Turturem in aliquo ramo insidentem pingunt: ea enim conjuge vita functo, ita se ab aliarum volucrum consortio separat, tantique mœroris exempla exhibet, ut numquam inde societatem inire cum alio quopiam patiat, sed quod reliquum est vitæ, absq; conjuge in perpetuo cœlibatu degat, sola volet, neque in frondescenti ramo unquam insideat, eaq; omnia faciat, quæ ad luctum spectare, & ad viduitatis ac solitudinis mœrorem exprimendum aptissima vel in homine videantur. Eiusdem est etiam mas continentia, qui nulli amplius feminae copulatur, sed in eodem comparis desiderio perseverat. Quinetiam dum vivi sunt, mas nullam aliam adit, quam eam unam, qua cum semel conjunctus fuerit, & idemdem feminae suam ipsa marem unum tantum agnoscit. Quod quidem ex eo majorem affert admirationem, quod nullus adhuc hominum, neque quidem ipse Paulus, ausus est legem viduitatis præscribere: & tamen una inveniatur avicula, quæ nos sponte in continentia moribus antecellat. *Audiant, inquit Basiliius, mulieres ipse, ut animalia rationis expertia viduitatis honestatem inde coram iocanti connubii anteponan, si hæc avicula, recordatione consortis, conjugium alterius abnuat, sua contenta solitudine.*

## PUDICITIA. CAP. XVII.

**A** Pud Hebræos ipsos omnino reperias Turturum par pudicitiam significare: siquidem, ut apud *Par Turturum quid.* eundem Basilium habetur, in Circumcisione par Turturum, aut duos pullos columbarum offerre mos erat, quod iudicium esset pudicitia, ac vitæ continentis exemplum. Origenes porro, sive ea Cyrilli fuerint, quæ in eandem prorsus sententiam plerisque locis & huic & illi inscripta reperiuntur, tunc offerre nos Deo muneri par Turturum inquit, cum mentem nostram Dei verbo velut vero conjugii sociaverimus, sicut hoc genus avium unum atque illud idem castum servare conjugium dicitur. Addit alibi, Apostolos, cum de castitate sermonem habent, eam per Turturem quam memoraverint, intelligi. Divina siquidem litera per Turturem unamquamque animam castitate præditam intelligunt, de qua Psalm. 83. dictum volunt: *Invenisse eam nidum, ubi poneret pullos suos, hoc* *Verf. 4.* est, Ecclesiam piorum scilicet cœtum, ubi virtutum genus omne appareret. Turturis enim pulli pro virtutibus accipiuntur. Alibi diximus, pudicitiam à Romanis velata facie pingi sculpique solitam: & apud alios Testitudinæ equiparatam, quod pudicarum est sese domi continere, & frequentia loca omnia declinare. Atqui Turtur in secretioribus & remotis à multitudine locis vitam transigit, aut deserta montium diligens, aut secreta sylvarum à frequentiore avium aliarum cœtu sequestrata,

## PROVIDENTIA. CAP. XVIII.

**O**blatio vero Turturis & Columbæ in sacris literis significat, ut Hesychius exponit hominem, contemplationi deditum, qui munus offerat suum in scientia & mansuetudine spiritali: hic enim opus est prudentia, ut non excedat legis consideratio circa res vanas occupata. Turturem, quidem ponit, quia cognitionem atq; prudentiam habet rerum, quas sibi necessarias fore viderit, ita ut ejus exemplo exprobraretur populus Judæorum, Hieremia dicente: *Turtur, & Hirundo, & Ciconia custodierunt tempus adventus sui, populus autem meus non cognovit iudicium Domini.* Columba autem munda & simplex, præsentia sancti Spiritus est index, quales esse oportet eos, qui divinarum literarum contemplationi sese dedicarunt: quam quidem simplicitatem Jesus, Aferor noster Apostolis ita commendavit, ut eos simplices esse debere sicut Columbas idemdem admoneret, & beatos mundo corde plurimum affirmaret. Ideoque Ezechias cum neque altum sapere vellet, neque majora se *Es. 38.* querere paratus eslet, *Mediabor, inquit, ut Columba.*

## SALTATIO. CAP. XIX.

**A** Pud Philippum illum, qui sacerdotum Egyptiorum lemmata quædam Græce scripta posteritati tradidit, saltatorem hominem & tibiis deditum, per Turturem significari comperio, neque quicquam aliud: nam omnine tibiis mirum in modum affici compertum est, quarum etiam audita modulatione, dare eam motus incompósitos, & saltationem imitari dicunt: quinetiam eo cantu in insidias allici, atque capi. Ad hujusmodi saltationem addemus, quod Theocritus Idyllio cui